



十華小築詩鈔卷三目錄

題趙星槎司馬春及圖

題范松崖明府松下橫琴圖

題金小酣明府其相入定出定圖

祀竈行

大明堂觀梅歌

秦小峴侍郎蘇祠落成圖爲澹如觀察題時蘇祠

重構甫成

題夢鷗閣圖

題陳六笙觀察瑤出示尊公西卿先生修篁嘯月

十華小築詩鈔卷三目錄

圖屬題

留別婺州諸君子

讀許雪門太守蒿目集書後

園林

輓傅味泉刺史

爲潘醉樵丈題行看子以漁樵耕讀分四圖余所

題者末帙也

題劉芝田觀察瑞芬養雲山莊詩集

題主椽庵丈小影

爲陳子莊明府其元題行看子時權宰上海



范太夫人壽讌詩爲郭慕徐太守階賦

擬行行重行行

六笙觀察出鍾馗象屬題感觸時事放筆賦此

孫楊兩先生殉節詩

籌防篇

邑侯唐協臣太守殉節詩

痛思篇

辭慰農觀察由金陵寄贈藤香館續刻詩鈔卽用  
集中與高古民觀察湖舫倡酬原韻賦謝

一  
十  
華  
八  
筭  
詩  
鈔  
卷  
三  
目  
錄  
二

十華小築詩鈔卷之三 丁卯至乙亥

休甯余本愚古香

題趙星槎司馬春及圖

綠楊抽綫菜吐花春光先到農人家  
農人荷鋤出門去東郊妙與詩翁遇  
詩翁賞春農插田昇平景象清明天  
等是江南一片土可憐當日災黎苦  
官軍烹牛賊擄人至今村落無居民

題范松崖明府松下橫琴圖

王師未破金陵城濱江千里無人耕  
和州居民盡逃散攜家君亦甌江行  
青田縣官棄城走君能抗賊膽如斗


十華小築詩鈔卷三

一

金錢黨羽唾手平力保危城作民母  
繞湖涼翠雲壓松移琴君又來若東  
依水編籬卜幽築瑤琴一曲來薰風  
用句怒濤挾風撼茅屋夜半穿窗滅  
華燭猶認千軍萬馬騰夢回始悟承  
平福

題金小酣明府其相入定出定圖

不打一誑語是名兩足尊君胡變儒  
服僞託優婆門咸豐已來兵革起賊  
勢縱橫萬千里足繭荒山訪老僧願  
證西來禪一指有時入定平戰爭到  
耳無復刀槍鳴有時出神妙行腳東  
盡滄溟北幽朔吳天之雪楚地花歷  
盡塵緣歸寂寞嗟我心亂如謝公小  
試跌坐聽霜鍾酒



酣耳熱破壁走拔劔斫地光芒紅安得暫假斗大黃金  
印削平西北禍亂與君同登峨嶂絕頂之高峰君爲寒  
山我拾得雙雙面對青芙蓉  
昨夢神君箋綠章鋪張揚厲褒善貶科斗錯落略能辨  
我口不語心低昂果然綸音錫恩福頓覺蓬戶增輝光  
皇天無私惟祐善否亦祖德當顯揚微臣薄德何所禱  
但求早返南田莊舉家奉母得溫飽誅茅有屋倉有糧  
胡不言祿祿弗及攬鏡毛髮俱蒼蒼丈夫到此心力阻  
祭神告神神不語鄉村又打鼙鼙鼓

十華小築詩鈔卷三

二

大明堂觀梅歌

并引

戊辰春仲十日偕蔣溶川觀察羅力臣鎮軍由  
吳興放權塘棲明晨程和鳴參戎邀同陶曉城  
大明堂禪院觀梅卽  
看梅似與春風約天外雲颿忽飛落江湖清晏近市喧  
永夜無眠聽笳角將軍侵晨駕絲舟導客去作超山遊  
是日不寒亦不暖青羊初換鼯鼠裘舍舟登陸三五里  
一路評花行且止或疑野叟健扶籐或似名姝閒照水  
或如鸞鶴或龍蛇高者落盡低者花柔桑嫩篠閒青翠

粗枝大葉皆枇杷寺門數樹特奇醜洞腹焦皮類枯柳  
屈鐵能開媚雪枝驚風時展拏雲手超山老梅八百株  
中五十樹今世無是皆有明以前物寺僧鑿鑿言非誣  
鳥語蠶喧日亭午暫借禪堂憩游侶主人款客開盛筵  
花前酒後婆娑舞吁嗟乎人生似此行樂能幾時舉爵  
先酌梅花枝卽今眼前落落幾良友明日各在天一涯  
詩成別花下山挂颿去皎皎明月江之湄

秦小峴侍郎蘇祠落成圖爲澹如觀察題時蘇祠  
重構甫成

功德壽民文壽世惟蘇文忠兼有之侍郎官杭仰前哲

十華小築詩鈔卷三

三

崇祀還葺湖邊祠黃蕉丹荔薦脯酒疏花密篠蒙階墀  
衣冠略同梅嶺祭俎豆用答葑田思祠成命繪作長卷  
金碧浮動波琉璃乾嘉諸老擅風雅揮灑藻翰何淋漓  
盛衰往復六十載烽煙慘澹陵谷移咸陽圖籍盡一炬  
此冊若有神護持流風餘韻逮哲嗣兵後重拓祠堂基  
芙蓉添插頽岸柳甌石補嵌巖廊碑招邀詩人集湖舫  
鷗天一碧風漣漪鐘聲沈閣老僧死夕陽簫鼓非當時  
捧軸如抱栝椽痛披圖猶緬屐笠遺儻割吳綾事新繪  
寫我小艇浮瓜皮繞祠烟月尾公權徜徉雲水無還期

題夢鷗閣圖

并序

平生宗圖爲竹谿老人作也竹谿許姓居吳江之汾湖

喜結交工詩文少與黃霽青郭頻迦游築閣湖

上雅有三泖湖莊之勝繪圖徵詩四十餘年竹

谿老矣猶日嘯詠其中其友金小酣大令爲索

詩於子賦此寄竹谿並示小酣

少小新安江上居山光水色狎禽魚十年賃廡杭州住

閒訪湖山策蹇驢今秋十日九日雨閉置深閨猶處女

故人著屐來款扉似慰蕭齋岑寂苦口繪汾湖景更誦

汾湖詩儼然坐我畫圖裏使我頃刻開心脾汾湖主人

癖山水水閣玲瓏步虛起四圍蒼翠烟水寒一片空明

一葦小筌詩鈔卷三

四

鷺鷥喜柴門斜對陂塘開菖蒲菡萏風低回魚鰕充斥

舉網得鵝鴨浮動知船來桂楫蘭橈就幽賞老子羊裘

仙鶴斃隱囊紗絹伴閒吟琴韻棋聲答清響乾嘉諸老

多名流宣平風格罕與儔獨於詩畫愛入骨下視富貴

皆浮漚少陵往事傷天寶兵後惟餘山水好莊蝶空悲

夢裏身元龍已韜樓頭藁我經離亂久無家老屋荒江

夕照斜輪與鴛鴦湖畔叟憑闌猶賞故園花

陳六笙觀察璠出示尊公西卿先生修篁嘯月圖

屬題

平生宗老蘇未識睂山面晨興趨雪堂喜展鵝谿絹主

人拂拭意甚恭披圖省識商山翁偃僂瞻視猶未已虛  
堂颯颯生秋風半作瀟湘青半收煙雨綠全寫王維畫  
裏詩一院秋陰萬竿竹爲曾偶見宰官身經濟文章并  
絕倫陶令襟期原澹宕魏卿風骨總嶙峋自傷世道叢  
榛莽便挂輕颿解簪組綠野歸來未白頭烏衣亂後多  
黃土嗣賢況又披忠肝滔滔人海迴狂瀾臣門屢碎珊  
瑚樹帝眷終歸獬豸冠聞公舟自南谿發遠涉雙江  
下吳越荷秧猶黏桂嶺雲蘭橈先弄桐江月會看載酒  
西泠橋紫衣郎君吹洞簫木犀禪院爲公壽聽公妙曲  
奏雲璈不訪竹林賢不招竹谿逸且倒芳尊永今夕素  
琴在手月在天長嘯一聲天地碧

一萼小集詩鈔卷二

五

留別婺州諸君子

服官幾廿年初代婺州守新政復何如先決兩囚首

至任

未兩月義烏縣民樓三等以姦殺伏誅

羣疑官嗜殺刑人等雞狗豈知造物仁安良務去莠震方有姦民黨惡伏林藪惜未剷根

株貽患者誰某

婺州民氣醇士氣尤質樸儼然弟子行虛心從講學聞  
我解官去車聲連確犖投詩爲贈行悲響入霜角何以  
答諸生餘藝爲鋟琢竚看鳳樓成高蹇追鸞鷲

此爲文物邦薦紳盛詞藻遺愛媿鄭賢膺書以爲寶鼓



吹導羣英冠裳簇街道介壽躋公堂善頌還善禱使我  
感且慚開尊酬父老請更無算爵酌君同壽考

元禮今偉人賢相出門下歸將三十秋林泉足陶寫性  
定齒德優退早交游寡談道偏契子隻雞薦雙噐依依

話臨岐鶴髮面堆赭吟成一幅牋贈行亦風雅

李春泉閣學用

長牋書五古一章贈行閣學年踰七旬

倭良峰相國爲己丑會試分校所得士

青瑣三十年性與冷官近荒齋蜚亂飛廣文襟賢尹公  
餘論文字欣賞發微哂瓜期倏已及遽別如不忍饋我  
瓊瑤詞語語刻肝腎留此翰墨緣異日參禪筭

同官在一方如臂復如指手足偶不仁百病自茲始我

十華小築詩鈔卷三

六

來凡八月寅僚初不齒漸識賤子性頗以肝膽視政通

民亦和庶務任賢理願君常協恭門戶一齊毀

雪權送君去今來看芙蓉君容略衰瘵我亦添白鬚爾

我半百人憚此遙遙途炎風扇火雲艱哉觸暑徂殷勤

語季海寶此千金軀下慰萬民望上答君恩殊

繼余任者

爲徐少巖太守時以途次觸暑

憶我之官初首發蘭谿縣此邦有疑獄憲怒甚霆電棋

劫萬難解蜃樓凡百變彈茲五月心釋彼兩軍戰蘭江

湛且深歸舟激如箭獄平我當去毋爲山水戀

讀許雪門太守蒿目集書後

地棘天荆日蒼茫發浩歌苦吟編歲月遺恨莽山河論  
世眼如炬感時頭欲皤深宵橫劍讀星斗動庭柯

園林

園林犢角新出泥花豬烹割煩山妻家釀雅仿北方製  
井泉妙達西湖低有時醅醕臥謝客長事塗抹吟無題  
簷牙晝晴鳥喧闐如聞姑婦閒勃磳

輓傅味泉刺史

并序

味泉名漣山東聊城縣人前安徽布政使湘屏

繼勳先生仲子也有美才負肝膽受知於荷澤

馬端敏公最深庚午冬本愚從冠九觀察如山

十華小築詩鈔卷三

七

轉漕申江識味泉於差次時味泉由都航海來

人莫測其所以及刑部尙書鄭公敦謹銜命

赴金陵鞫張汶祥獄始知味泉此行乃爲端敏

事上書政府遂達宸聰故有此舉味泉可謂

勇於義而篤於情者矣味泉由軍功保知州需

次浙江歿年三十有四

幕天雨脚穿層雲五日凶耗凡兩聞

自中秋至十九日  
五日之中聞季父

笠亭公并  
味泉凶耗

我哭季父淚欲竭那來餘淚兼哭君無淚哭

君心轉苦一別兼旬遽千古秦皇不火岐黃書致使庸

醫爲君盡

味泉病痢醫投大  
黃十餘劑遂不起

識君憶在申江邊鳶肩燕

領誇少年從征早投五色筆履險幾覆重洋船  
之高萬萬里能以精誠通聽視果報秋官古北闕來  
旋聞元愍西曹死天下以是多義君馬融子弟徒紛紛  
如君不讓元瑄後英風浩氣俱淩雲孰拔奇才薦大府  
裘馬翩翩度江滸擊楫初看捧檄來題名倏把游仙補  
味泉奉檄度江分司安噫吁嘻君今撒手將何之左右  
昌榘務至歿不及兩旬  
上帝不可知友朋聚哭過則散獨爾藐孤嫠婦擗踊哭  
泣無窮期間君尚有好兄弟與君友愛甘如飴我爲君  
魂慰且悲

爲潘醉樵丈題行看子以漁樵耕讀分四圖子所

十華小築詩鈔卷三

入

題者末帙也

游畋非不豪溫飽非不樂皆能病子孫公以一經藥初  
惟舊染除久則新知廓漸脫凡羽毛一縱淩霄鶴在山  
侶巢由出山侔衛霍耕莘與釣璜昔賢同寄託白眉騁  
先鞭并荷人天爵政成首三衢萬口頌聲作  
丈仲子小  
圖司馬紀  
思宰常山  
有改聲  
翁聞開笑顏不覺丰神躍爲寫團圞圖課讀

興加昨長對老梅枝鬪雪吐紅萼

題劉芝田觀察瑞芬養雲山莊詩集

春到萬花放風生眾壑幽頗聞仙樂動時有古香浮旅  
思猿嘒樹鄉心遂倚樓歸將辟烟火請侍赤松游

題王棣庵丈小影

嗣君菴甫觀察卿雲  
運副皆浙中同寅

早歲西泠識鳳毛  
接天橋蔭仰清高  
襟分黃浦江心月  
枕借吳淞雪後舸  
揮塵尙虛聞緒論  
停車終擬翦蓬蒿  
春風和氣披圖見  
已覺餘溫透敝袍

爲陳子莊明府其元題行看子時權宰上海

曾築東湖舊草堂  
又開南陌治新莊  
扁舟故爲蓴鱸計  
好夢先歸雲水鄉  
可許名山終著述  
頗聞大府惜循良  
方今撫字資賢牧  
兵靖閭閻未十霜

范太夫人壽謙詩爲郭慕徐太守階賦

吳淞海口通津沽  
船政秉之郭大夫  
君襄江漕我浙漕

十華小笑詩鈔卷三

九

兩載妙與林宗俱  
公餘談藝集蘭署  
飢來往往煩庖廚  
閭內大餅出母製  
臣朔果腹誇侏儒  
母爲賢母子令子  
克家世把綱常扶  
先賢功烈更無匹  
萬人之敵如摧枯  
身雖死賊賊殆盡  
皖民蒙福淪肌膚  
睢陽尸祝炳千載  
俎豆不讓忠宣孤  
尊甫兩三先生霖以淮揚道  
助勦捻逆於安徽死難甚烈兒讀父  
書懷母誠永矢清  
白光門閭高爵厚  
祿等閒事慎勿坐  
享私膏腴故鄉兵  
後苦凍餒南陌荒  
盡東臯蕪俸錢搏  
節置牛種未春農  
事宜先圖士夫重  
民輕族黨但榮枝  
葉遺根株親親仁  
民本一貫兼愛爲  
我皆虛誣母性盡  
理口不書母心卽  
佛手不珠每作壽  
人壽世語如閭棒

喝澆醜醜瓊瑜貼地習膜拜普賢頂禮從文殊

擬行行重行行

驅車出東門落日澹黃浦言從北里游華夷錯襍處傑  
閣凌雲霄繁鐙燦江渚綺寮罷膏沐金谷發鏡鼓楚館  
復秦樓酒龍更詩虎四座競絲竹妖姬或三五羹霍酣  
笑嬉中多大腹賈誰家玉雪郎手神殊楚楚一客對舉  
觴一客共揮塵醉臥佳人傍起視月當午去去滿庭芳  
戲園名歸來再歌舞不惜黃金多黃金本如土更聞狼子  
輩鉤結盛黨羽綏綏城闕狐啣啣社倉鼠伺人在昏夜  
中者甚飛蠱旣不憚王章遑復懼官府要識犯何科

十華小築詩鈔卷三

十

擢髮殊難數不圖聖人朝留此藏垢所行行重行行  
歸語從游侶此邦不可居居久無君父

六笙觀察出鍾馗象屬題感觸時事放筆賦此

進士官七品無踰縣宰尊乃統萬萬鬼如牧驅雞豚生  
殺之權操一手社鼠城狐望塵走不似人間折獄難是  
非幾誤悠悠口公持此象付我題使我攔筆心含悽讀  
書未登進士第出守又落恆人蹊況復郝掄來白晝至  
今騰上無丹梯安得進士一履人間世盡將魑魅魍魎  
踐踏爲沙泥化日光天或再窺

孫楊兩先生殉節詩

并序

文粹

孫叔春先生諱日萱丙戌科進士官翰林院編  
修遷御史歷掌文衡由鴻臚寺少卿歸主海陽  
講席楊惺子先生諱大容道光甲辰進士選太  
平府學教授二公皆新安人致仕家居粵寇之  
亂籌軍籌餉保衛桑梓咸豐乙卯二月初二日  
漁亭大營失利邑城岌岌二公招募散軍爲防  
守計本愚以勢不可爲止之不得初四日黎明  
賊長驅入春師死節北門惺師死節南門同時  
潘君子壽由書院侍春師行未至北門遇賊竝  
及於難

十華小築詩鈔卷三

二

天生公手柄玉尺遺才攫取無雙壁

粵東辛卯科解元  
蔡錦泉爲孫公蒐

落卷所  
得士

又生公口鳴朝陽致

君堯舜誠明良一朝遇

賊詈且指五指墮地詈不已老賊奮椎禿公齒握拳嚙

舌千古同得公鼎足成三忠海口何幸生逢公更有潘

子壽從公掖公走一步一艱難公亡我何有抱公大慟

天爲昏賊竝殺之同不朽轟天礮擊南門開梟羊長驅

鞭馬來大呼妖殺民不殺

粵賊呼  
官爲妖

道旁崩角聲如雷吾

師道德儒貌古心亦古賊到問誰何答言我官府

賊大  
隊至

以利刃擬楊公頸曰妖乎公  
正色厲聲答曰官也遂遇害

此心惟有 大清朝當前

鼎鑊難動搖泰山鴻毛爭一字從容就義何超超嗚呼

從容就義何超超二公以外不多覲浩然正氣千秋萬  
古凌雲霄義魄忠魂不待招

東籌防篇

并序

本愚從楊惺子師游者五年設館授徒者十年

又應京兆試五年歸則粵匪陷金陵安慶未到

者僅皖南四府一州耳孫春叔惺子兩先生爲

籌防計命愚偕金君星海振聲雲卿永慶程君

昭遠士燻先後赴夥祁合辦團務從祁侯唐魯

公請也咸豐甲寅春賊陷祁門魯公赴難死明

年唐侯協臣來宰吾邑侯粵西人知兵事兩先

籍

十華小築詩鈔卷二

三

生喜甚與講籌防無虛日無如承平日久民不

知兵且皖南民氣素弱卽優給薪糧無敢充勇

額者然如二公籌兵籌餉惓惓桑梓之情實足

令人興起本愚事後追維得詩二首名曰籌防

篇

先人癖讀書樹立期小子載牽束修羊送伴過庭鯉

子握之文瑜與愚同庚次十九二十時淺學鮮根柢海

陽東山麓鑪榻逐師徒師主海陽東山兩書院講席愚俱往從五載謹追

隨十稔亂行止恆飯甯戚牛俗謂訓蒙學曰牧牛免負仲由米館

穀出硯田那更計豐菲吁嗟八口家往往闕甘旨乃作

幽燕游再踏槐花市歸來賊橫江如蝗復如螳盡據江  
北岸僅隔皖南水吾師曰爾愚宜激義兵起賴爾寄千  
城重爾衛鄉里勝固眾所欽不勝不爾恥初聞心頗豪  
繼念髮尤指馳走祁闡城賢侯同料理會首集耆英令  
先察姦宄內訌既不作外患急圖始擊虛防柅根走曠  
慎坪裏大洪與一心無險不親履柅根大洪一心皆嶺  
名坪裏祁南地名  
叢莽謀伏戎深溝架高壘殫茲八月功賊到一齊毀書  
生講籌防如蛙坐井底

卓哉二夫子道合志亦同惓惓桑梓意防守謀將窮將  
軍天上來文臣武略通蝨賊時內擾禍患憂懍懍東里

十華小築詩鈔卷三

三

財掠盡西村穀劫空侯來爲捕除一掃無遺蹤寇更  
狡猖嶺外傳妖烽賢侯靜以待舉止皆從容閭閻徧鄉  
縣設險師王公陣結萬人敵技勇千夫雄十蕩十決爛  
再接再厲工礮石發如雨旗幟紛凌風野柝達旦聞城  
鼓宵逢逢布置一一周能守還能攻兩叟色然喜謂爲  
閒氣鍾可望捍吾災可期摧敵鋒庶幾新安邦鎖鑰嚴  
重重賊子疑信參覆轍橫心胸又苦無一策但請還山  
中暫隱嵐烟青毋近兵塵紅兩叟不謂然列戟光熊熊

邑侯唐協臣太守殉節詩

并序

侯諱寶昌字協臣廣西臨桂縣人以孝廉在籍



殺賊立功保選休甯縣知縣咸豐四年冬莅任  
時土匪徧地民不聊生侯下車捕殺至一百餘  
人匪風頓息五年二月初二日漁亭大營失利  
休城遂不守賊由休攻陷郡城回據休邑將作  
長久計郡城大兵雲集第遙遙築壘無鬪志侯  
齧血上書募鄉兵首先攻城大兵繼至城遂復  
旋以奉諱解任鄉先生籲請奪情大府允暫留  
未幾選缺官到任侯應周營之招六年春金華  
桃花嶺之難侯獨與焉而周營無恙也邑人思  
侯功德設位致祭者三日侯與本愚交最深然

一 華小集詩鈔卷三

一百

閱一十九寒暑未有一詩奉輓心實歉然光緒  
紀元冬月既望奉檄轉漕申江舟出黃浦阻風  
感觸舊事因補輓章以志予痛

侯貌瘦如梅侯臂堅似鐵提刀千夫雄下筆萬人傑方  
侯莅任始毛賊霰先雪小戶魚懼殃大家虎防啞侯聞  
笑不言蒐削類瓜瓞明年寇大至蹂躪徧夥歛區區休  
陽城那堪賊巢穴眾軍堅壁待未聞圓陣結民罹災後  
災疇念切膚切侯憤馳上書字字痛流血願提一旅師  
誓與城同滅殲軍盡登陴蟻賊失封垤一鼓平妖烽民  
枕始安貼

昊天胡不弔降侯以鞠凶奪情不一載去去猶從戎所  
遇詎眞賞賤子憂忡忡果將名世才屈辱沙場終聞侯  
致命日雪黯桃花紅下臨澗百仞上逼山千重危磴馬  
蹶滑伏起林蔥龍悍賊七八騎矛集如蝗蟲後援渺一  
至步卒逃無蹤慘哉人與馬竝墜深淵中我聞尙吞聲  
哭訴來鄰翁須臾驚里閭相視悲填胸谿春罷夕喧田  
歌遏晨風居人有憂色行道無歡容不惟賢宰傷兼慮  
長城空設位三日祭哀哀祈蒼穹願侯神斯土生死麻  
同蒙

痛思篇 并序

十華小築詩鈔卷三

一五

咸豐十年八月十有九日涇陽張公將去徽於  
時歛休耆紳偕公舊時僚屬餞公於西山之陽  
公至揮眾曰此非讌會時也遂灑淚匆匆別次  
日賊竄入叢山關明日郡城陷又明日休城陷  
從此蹂躪鄉城百姓死亡以百數十萬計嗚呼  
公一去而吾徽遭此未有之奇禍宜民之念公  
不忘也公諱芾字小圃陝西涇陽縣人死本籍  
逆回之難諡文毅 國史有傳茲不備錄

迎公豺虎走送公梟羊來徽民果何辜門戶重重開蒼  
黃具冠帶襍沓陳樽疊餞公西山陽願公盡此杯公咽

不能語如母拋嬰孩揮手催速行毋罹非常災殘旗卷  
不揚羸馬羣銜枚蕭蕭頽岸柳黯黯荒郊埃公行眾亦  
行紛紛避蒿萊世局一大變此禍誰爲胎劫後十六年  
天意終難猜公歸赴大難百折安能回小子七八人時  
薦廷起鶚及子毓峰鍾瑞胡曉城金霞程亦陶國鈞楊  
達卿殿材程六皆守謙許益齋增并本愚在浙共八人  
皆昔與蟻聚南柯槐痛定復思痛劫火留餘灰吟詩私  
餞者自諷猶帶笳聲哀

辭慰農觀察由金陵寄贈藤香館續刻詩鈔卽用  
集中與高古民觀察湖舫倡酬原韻賦謝

大兒金陵來踉蹌如走价具報君平安諱言戰勝敗時

十華小築詩鈔卷三 六

後 亥闌 奚奴尾行裝船阻杭禾界瑤函遽難達遲我一鏡

挂旣獲誦忘倦如癢痛爬疥又如鎮心瓜當暑啖一快

咄哉桑根翁慰農自署爲桑根老人近學宗何派春雲隨卷舒秋

聲靜砰湃已參上乘禪敢抗下風拜武林頗疏曠文壇

日欵壞何時共輕舟銀鱗煮霜蕪高歌雲水寬放眼塵

寰隘年來湖上友幾輩入衰邁孤山春復春各負尋梅

債香雪待君賞吟玷整旗械毋徒戀巖棲餐霞傾玉滢

不受王公欺轉被神仙賣我詩久不作明白僅如話因

與故人期瞬卽新年屆豚肩遣頌椒依樣葫蘆畫集中

子舊饋 豚酒詩

十華小築詩鈔卷三

十華小築詩鈔卷三

十華小築詩鈔卷四目錄

元日

哭楊左山運同言

朱翼甫觀察其詔以李傅相命赴日本察事歸出

行記見示爲賦是篇

申江新樂府

錢江夜行口號

嚴子陵釣臺

宿嚴州城下

飲湘文太守郡齋

十華小築詩鈔卷四目錄

一

端陽前一夕夜泊港口

紀夢

過張潭

新安江行紀事

初返兗山渠新居

過兗園

與汪氏妹夜話偶成

祥甥來見因憶孫氏亡妹爲之愴然

銘垣兩姪謁我于南秀寓齋因懷獅江諸弟姪

程氏六藝書巢子舊課徒處也昨從兗山入城時

值朵香赴蘇令弟紫香情意殷拳除館館我撫  
今追昔兼酬二香

喜晤城中諸戚友

邑侯曹安周司馬招同汪君漁月吳君肇周楊君  
蕉舫張子赤貳尹竝余集飲署齋敬呈一律

蕉舫招飲一經書屋卽席賦呈

究園夜酌有懷汪叟品斯

謁楊生府先生陳復於南源谿口時先生長子左

山初沒

與子允縱談

十華小築詩鈔卷四 目錄 二

由谿口渡篔谿訪雪澗於裏篁山館清談淪茗盡

興而歸

越日復由率谿過屯浦訪諸友留連至夕仍回究

山

戲題岐臣齋壁竝勸蕙篤滬諸孫

柬懷山中諸友

送楊石泉中丞回湘鄉

補題馬右農太守新祐松陰跌坐圖遺照卽寄令

姪崧生諸昆仲

竹珊方伯升泰由浙臬開藩滇省詩以送之

郭子澣太守慶藩贈衡朮佳甚適太守有屬題讀  
書秋樹根圖冊卽書奉酬  
題陳六笙觀察山水便面  
汪時甫太守元祥七十生辰擬招陳君子莊偕往  
稱祝先之以詩

秋暑偈人蓀甫從長崎來以文魚見贈兼話東瀛  
山水之勝因得是詩卽題其玉壺冰心圖  
李黼堂中丞桓由湘過浙盡覽天台雁蕩普陀諸  
名勝瀕行繪三山歸權圖徧索題詠爲賦此詩

輓夏雪澹司馬

十華小築詩鈔卷四 目錄 三

題吳晉王太守唐林北征詩畫圖冊

題李黼堂中丞孤山訪梅圖

收私篇

喻采亭軍門俊明第侯觀察瑞璋宗湘文太守源  
瀚陳槐亭明府鍾英以次招飲縱談近事越日

賦呈

輓高滋園廉訪卿培

劉芝田觀察以小輪舟送余由滬返杭賦此郵謝  
重九偕孫稼生方伯家穀菱舫廉訪惠年雲鵬都  
轉豐紳泰吳殿臣崇階蔣幹臣國楨馬星五駟

夏靳迪臣邦慶馮鐵華五觀察謙集孤山趙公  
祠用鐵華韻

曉峰中丞德馨招同殿臣幹臣星五迪臣鐵華謙  
集吳山阮公祠卽席賦呈

嘉禾舟次爲六笙題退耕補讀圖

六笙以予權嘉湖道篆郵詩索和次韻

一  
一 葦小築詩鈔卷四 目錄 四

六笙以予權嘉湖道篆郵詩索和次韻

嘉禾舟次爲六笙題退耕補讀圖

嘉禾舟次爲六笙題退耕補讀圖

嘉禾舟次爲六笙題退耕補讀圖

嘉禾舟次爲六笙題退耕補讀圖

嘉禾舟次爲六笙題退耕補讀圖



十華小築詩鈔卷四 丙子至癸未

休甯余本愚古香

元日

余生值丙子適與東坡同問年今六一居士齊高風二  
公皆作者視我誠凡庸政學兩無成轉漕來吳淞新年  
海舶遲庶務堪從容丁夫各欣喜寅僚咸協恭晨興互  
稱慶裘服何蒙茸肩輿冒風雪拜謁殊匆匆十室九闈  
阻輸將片楮紅歸伴老梅枝把卷仍冬烘

哭楊左山運同言

行年近衰暮譬如星鄉晨歷數平生歡寥寥能幾人涼

十華小築詩鈔卷四

一

風吹雁行淒斷獅江濱

五弟萼香於去冬客歿獅江

添君來噩夢肺

腑增酸辛君嘗官夜郎百憂纏一身歸裝載琴鶴奉父

甘長貧紫陽開講堂桃李盈門新覲面縱無期積愆郵

書伸迢迢富春江相去猶比鄰況將浮篋舫來逐芳園

春尋梅古谿口艤櫂南河潒取我舟中酒酌君堂上親

要君共娛老還我兒時真閒吟短李句淨滌長安塵不

求有傳作但學無懷民君胡弗少待倏作蓬萊賓父耄

兒蟄蟄有弟仍潛鱗彼蒼蒼者天相待何不仁泉臺如

有知黯然同傷神爲君賦大招魂其來春申

時在申江差欠

朱翼甫觀察其詔以李傅相命赴日本察事歸出

行記見示爲賦是篇

聖道迂不行乃作浮海語君勇過仲由果把雙輪鼓

峩三菱船日本輪船名炎炎六月暑冉冉出吳淞迢迢達神

戶日本島名入國先采風次第謁官府記載大久保柳原青皆國中朝貴府

帖許縱遊親朋約三五訪求先考工涉獵徧稽古瓜摘

故侯家棋賭將軍墅年來盡撤將軍外藩京邸甲第致多荒落或躡飛泉亭

或駕平湖騰或醉美人妝或載妖姬舞五里十里花三

朝兩朝雨繼游東西京離離感禾黍記載年前曾罹兵禍日本古

島國世稱小鄒魯同軌復同文若宗還若祖幡然胡改

圖徇財兼耀武君臣短後衣日本向尚博帶哉冠煤鐵今忽盡易泰西服制

一華小築詩鈔卷四

二

竭下土記載煤鐵各礦已開多處運會固難知修德或少補總務

富彊用心亦良苦

申江新樂府

東洋妾

東洋女多佳麗然性好冶遊近頗有載入內地

爲媵妾者男子薄行久或捐棄爲之憮然

郎自長崎來妾家橫濱住隨郎到上洋郎又花旗去郎

去妾無家飄流天一涯西鄰有女伴產自葡萄萄牙牢耶

石邪五鹿客朝朝走馬垂楊陌恰向蠻姬鬪細腰羞同

號國誇顏色無端載妾七香車看罷桃花看鼠姑歸來

試取菱花照妾比唐人美孰如日人猶稱中

泰西琴

輪船有名福星者予與雲甫康侯同登之船大

夫為設果酒輪船稱總管為大夫又曰大副并出婦彈琴侑觴

明年船沒於海大夫以管駕別船得免追思往

事為賦此章

滿江細浪天微風晶簾四卷窗玲瓏堆盤果餅薦脯酒

大夫勸客頗黎鍾泰西舉止殊脫俗知己相逢出家屬

團圍坐雜鬼夫人對酒娛賓奏琴曲初彈鮫人泣再彈

陽鳥翔三彈雲現龍爪張長鯨跋浪老鼉舞艦輪掀動

十華小築詩鈔卷四

三

風顛狂得非西人尙戰伐聲聲變徵翻宮商彈者自彈

聽者聽我口不語心徬徨曲終一握纖纖手西禮以握手為拜以

免冠起視斜陽挂高柳臨別頻將款曲通偷閑來喫香

冰酒

澹水妹

妹有澹水鹹水之分鹹污而澹潔多香港女為

之泰西人藉供中櫛之役閒亦有美者惟衣裳

楚楚不點纖塵則老少媼妍為一律

朝行泰西雲暮行泰西雨不效泰西妝能解泰西語青

衫青褲青絲髮足白如霜長不韞泰西十男九未婚小

妹能銷眾鬼魂就中女郎年十七燕婉尤爲老鬼惜被  
酒潮生笑靨紅背銜傷心碧出入洋樓三兩年歷  
箱滿貯鷹洋錢昨宵歸趁香山船

女說書

朱雲甫新居落成開筵招飲與令兄粹甫令弟  
翼甫各召一女說書侑觴滬俗稱說書人爲先  
生女子亦然戲爲此歌

瓊樓玉宇華筵開卷簾忽報先生來先生壓倒美男子  
一朵芙蓉濯秋水翠袖長遮蛺蝶裙銀釵朗照珊瑚几  
開場先演蔡中郎一曲琵琶已斷腸座中搖手聽不得

十華小集詩鈔卷四

四

改絃轉撥彈新腔翩翩又一先生到皓齒明眸睂澹掃  
滿口談諧女滑稽琅琅幾句上場詩別翻鷓鴣調新聲譜  
偏學龜年老曲師羌笛胡琴十番鼓花影欄干月當午  
最小先生最後來不彈不唱亦不語一尊淺酌情依依  
調高莫恨知音稀張筵重闢梨花甕黃雞未唱不須歸

錢江夜行口號

簫聲軋軋夜迢迢照眼花枝伴寂寥銜下琵琶尊內酒  
那知江上有風潮

嚴子陵釣臺

往來同弔客星孤銅柱聲靈羨霸圖試問嚴陵灘上月

山河猶贖漢家無

宿嚴州城下

瘠地何堪苦弄兵  
元戎兩度寄專城  
夜來一艇蘆花月  
喜聽雞鳴犬吠聲

飲湘文太守郡齋

爭傳太守邁龔黃  
纔罷農田又課桑  
舩艫尋君拚一醉  
滿城絲雨稻花香

端陽前一夕夜泊港口

憶昔遭亂離  
挈家同出走  
舍陸此登舟  
蒼黃出虎口  
我今浮櫂來  
維舟渡頭柳  
昔也雪霏初  
今也茶香後  
昔也雞犬無  
今也人烟有  
鐙影水東西  
林陰村左右  
似成小墟集  
不僅廣田畝  
可見聖人朝  
民康物多阜  
搗來十七年  
世豐客衰朽  
幸值昇平歸  
得廁田園叟  
呼僮賀一卮  
預借蒲觴酒

十華小築詩鈔卷四

五

紀夢

昨宵夢老妻  
雙目忽明瞭  
提攜阿篆行  
後園看花鳥  
藥餌果然靈  
此喜出意外  
表勸君當自  
今毋更取煩  
擾兒孫各長成  
蒙福況非少  
盍寶千金軀  
家庭付細小  
人生無百年  
說了便當了  
君似領余言  
村雞報窗曉  
願得浙中書  
一一符夢兆  
他日共開軒  
同觀月皎皎

過張潭

張潭潭上村嘉樹蔚深綠先人昔避兵假此數椽屋軒  
窗臨水開晨夕便遐囑淺瀨數魚游清湍看鳧浴雨後  
偶憑闌空翠向人撲我來桃始華新漲一篙足岸柳裊  
豔毳山葩開躑躅卽景招友朋及時娛父叔穿籬菜爛  
蒸出槽酒新漉賓主樂陶陶鄰里日和睦勝事往堪追  
高風遙莫續將尋潭上翁治亂話前局借問隔谿樵云  
皆登鬼籙揮手且揚帆冥思秉窗燭吟詩紀芳徽歸付  
兒孫讀

新安江行紀事

十華小築詩鈔卷四

六

朝眺故鄉山暮宿故鄉水鄉語與鄉禽時時悅人耳谿  
西茶樹稠谿東麥苗美茶麥皆有秋竝爲鄉人喜湛湛  
新安江怒流激如矢一灘復一灘亂石爭伏起丁夫挽  
虛舟迂似穿蛛螳又如癡蠅癡盤旋滿窗紙行行重行  
行石罅峯腰裏兩日不一程何時踐鄉里倚閭煩老親  
候扉喧穉子子季及諸兒時四弟硯香亦由常山回里省親望斷荒山  
背石兮爾胡爲頑梗太無理思欲鏊之平河流通瀾瀾  
但須一帆風敞廬原尺咫

初返兗山渠新居

兗山耕鑿地蠟屐我初經澗水分渠碧嵐光遶舍青候

門童子喜噪客鵲聲靈老母頻年望霜添鬢幾星

過充園

樹簇峰迴處園亭面水遙蝶來花有態蟬去柳無聊窗

岫移三竺

園外遠峰數角頗類湖山

庭梅認六朝

園有古梅相傳最爲六朝時物

宜谿月夜似有鶴能招

與汪氏妹夜話偶成

喜極翻疑夢談深輒廢眠燈昏連夜雨語亂隔谿泉作

宦嗟子拙娛親賴汝賢歲時一歸省白髮自欣然

祥甥來見因憶孫氏亡妹爲之愴然

爾母西江歿飄零骨未歸可憐前夜夢猶著故時衣塚

十華小築詩鈔卷四

七

想鵲魂冷庭空柳絮飛喜看甥長大强笑慰慈幃

銘垣兩姪謁我於南秀寓齋因懷獅江諸弟姪

曾憶烽烟近全家載雪行如何長作客猶似未休兵稼

圃多荒廢兒童漸長成亭亭好花萼願放早春晴

程氏六藝書巢子舊課徒處也昨從充山入城時

值朵香赴蘇令弟紫香情意殷拳除館館我撫今

追昔兼酬二香

不下陳蕃榻於今廿二秋白頭僧到寺紅雨燕歸樓闌

寂繡殘卷輕肥感故侯

居停韻珊司馬憐慨任俠早歸道山

機雲竝情重

十日爲句留

喜晤城中諸戚友

遠出新歸客，渾如世外人。一官誠夢幻，廿載苦風塵。里

巷都難辨。

子家世居北城下坊，今自查家祠至遺安巷，率皆榛棘成墟。

鄉情倍覺親。

不圖離亂後，猶醉故園春。

邑侯曹安周司馬，招同汪君漁月、吳君肇、周楊君

蕉、舫、張子赤貳尹、并子集，飲署齋，敬呈一律。

古戍斜陽岸，輕刀快馬來。蘿陰山鬼遁，祠火野狐哀。

公嘗驄馬微行，姦邪聞風匿迹。

弭害先除害，懷才不恃才。相逢談娓娓，賞

雨午筵開。

蕉舫招飲一經書屋卽席賦呈

十華小築詩鈔卷四

八

不信諸年少，相看半老翁。囊開春釀綠，鐙聚夜深紅。

同座爲孫君仙石、吳君靜中、徐君訪溪、并子義丈及子五人。

山縣家家雨，谿帆葉葉

風。主人更攜手，留醉藕花叢。

充園夜酌有懷汪叟品斯

不見桃潭叟，空懷潭上村。亂荷香到檻，深柳綠藏門。妙

墨勞分贈。

叟以山舟學士夢樓太守聯幅見貽。

高風仰夙敦，堯山今夜月

誰與話清尊。

謁楊生府先生，陳復於南源谿口時，先生長子左

山初歿。

乍見成嗚咽，無辭但有聲。漸收鐙下淚，聊敘宦游情。煮



酒談猶健劬書眼尚明桃源縱清絕負笈滿柴荆

與子允縱談

自墮華嚴劫愁魔閒病魔書還餘日讀身覺晚年多我  
已雖無用君須劔再磨八旬翁尚健銳氣莫蹉跎

由谿口渡篔谿訪雪溜於裏篁山館清談淪茗盡  
興而歸

一路看山色扁舟渡篔谿書聲雲樹裏荷葉水亭西廬  
自幾時結堂堪雙應題宋鄉賢夏載道家有雙應堂紀瑞也意行傍花竹

月上繚垣低

越日復由率谿過屯浦訪諸友留連至夕仍回充

山

十華小笑詩鈔卷四

九

率谿谿上樹遙望碧彎環野水人爭渡幽居客掩關程君  
率農是日謝客杜門次早始蒙過訪幾家飲雞黍金君覆卿邵君一市枕  
河山爲愛清談坐肩輿載月還

戲題岐臣齋壁并勸蕙篤滬諸孫

叢棘難棲鳳閒居暫寄蝸花香浮几研蕉翠滿軒齋漫  
羨園林好終須子弟佳諸孫當力學好慰老年懷

東懷山中諸友時汪丈友棠蓮甫臥病未出汪君  
光程君吉亨朱君味崧及諸同志又因礎雲主講碧陽汪丈日初金君德  
而月淫霖山水暴漲致梗往來爲憾

無限離羣感輕舟返故鄉仙凡猶隔絕雲水轉蒼茫客

久身多病山深葦莫杭挂帆吾又去落日滿河梁

送楊石泉中丞回湘鄉

萬鈞擔負今釋肩我公此去仙乎仙況當春水蘸天碧  
吳頭楚尾相鉤連武林門外通南浦大編峩峩泊江滸  
將軍列戟陣成雲父老攀轅淚如雨過江士子尤紛紛  
故吏咨嗟不忍聞昔日武功今德政豐碑重與剔苔紋  
愚也謁公豺虎窟賊勢縱橫復飄忽督師誓下餘杭城  
幾向沙場拾忠骨餘杭餘杭吾部民一夫不獲辜皇  
仁獄平官謫臣所願中丞以餘杭案解組涕零感激聲酸辛慈雲  
冉冉隨帆度夾水桃花千萬樹來自千戈隊裏來去從

十華小築詩鈔卷四

十一

桑柘村邊去推篷日盼君山青笑載琴尊過洞庭去詔  
書異日從天下莫戀江湖逐客星

補題馬右農太守新祐松陰趺坐圖遺照即寄令

姪崧生諸昆仲

芭蕉隕綠花綻黃藥烟在戶人在牀君手此圖走相別  
笑索大筆光縑細君行歲末周遭疾澗河口書郵月數  
至時愈時或否嗚呼灼天赤日如火紅腳躡手版沙泥  
中倉場羽書催兌急河濬一旦千艘空廳官勒備音賂

義同

差索米鞭撻船戶無完體丈夫對之恆鬱鬱安得沈疴

霍然起

時君奉檄將浙漕病歿通州差次

何如長參解脫禪蒲團趺坐

西山巔松花撲衣糝如絮芝草出袖芳生蓮龍眠寫生

推妙手圖成又得淵明叟圖為李仙根寫獨我含毫下

筆難躊躇今已三年久馬周長子嗣仲兄端敏公無子以君長子為

嗣鷺肩火色君再生昨從東魯赴西浙聞聲不禁揮淚

迎是圖當付龍文去餞君送君聊贈句此後君容欲再

瞻白雲黃葉江天樹

竹珊方伯升泰由浙臬開藩滇省詩以送之

宦海偶萍聚清談揮塵陪湖山偕吏隱翰墨仰仙才讀

史燎如炬發姦神似雷嶙峋見風骨信是豫章材

此去滇南道艱難滯客行一官况奇窘萬里獨過征地

暖梅應早山多日少晴臨岐無別語珍重向前程

郭子靜太守慶藩贈衡木佳甚適太守有屬題讀

書秋樹根圖冊即書奉酬

君自衡山來遣我衡山木瑤函猶未啟香氣已飛出言

從秋樹下脫巾罷佔畢長劒刷芝草獲此妙無匹甘沁

詩人脾溼掃酒徒疾於台成浙產於潛天台皆產木

與編甲乙行將伴君歸采采入林密高諷逍遙篇松陰

同促鄰

題陳六笙觀察山水便面

依山結茅茨卉木足欣賞樵徑斷人行白雲自來往

十華小築詩鈔卷四 二

汪時甫太守元祥七十生辰擬招陳君子莊偕往  
稱祝先之以詩并序

山水子莊爲時甫故人並由廣文擢知府咸同閒復  
共佐甯紹台道史公戎幕左爵相撫浙時竝薦  
朝一時有和璧隋珠之譽云

廣文先生殊躋等行將袞袞登臺省大府爭誇賢守賢  
先生各抱冷官冷蓮幕虬潛兩鉅公兩公出處將無同  
陳侯改成早歸去雲霄莫跡冥冥鴻桃潭老人貧澈骨  
慙占吳興烟水窟薄俸聊分權稅錢蕭齋閒挂看山笏  
錯鮮蓴滑醪醲香東坡宴客掃雪堂願招元龍壽公壽

一萼一笑詩鈔卷四

三

巖舟日醉茗谿旁興酣放船借覽具區勝想見水天一  
碧洞庭蕩漾風浪浪須臾晚烟漁唱出叢葦勸公如泥  
爛醉當千觴

秋暑逼人適蓀甫從長崎來以文魚見贈兼話東  
瀛山水之勝因得是詩卽題其玉壺冰心圖

蝸居已湫隘益以秋陽攻正苦百無賴身病心懣懣故  
人觸暑來來自東瀛東不炫機變奇不誇武備雄縱談  
山水勝謾謾生清風更貽金銀鱗滿盃丹砂紅玄素各  
數尾具體皆虬龍貯以玻璃缸高下如游空碧藻縈繞  
之五色何玲瓏淪茗共清賞小試濠梁同旣樂渾忘暑

側耳聲隆隆雷鳴雨亦隨荷沼香空濛采蓮送君歸涼  
月窺簾櫳餘閒弄玉壺一片冰心融

李黼堂中丞桓由湘過浙盡覽天台雁蕩普陀諸  
名勝瀕行繪三山歸權圖徧索題詠爲賦此詩

鄴侯人中仙門第金張貴身披一品衣而帶烟霞氣昨  
從衡陽來濟勝無不備將盡浙東山竝括奚囊內行行  
三兩月郵句誇朋輩首序舟車程繼參蔬筍味寫山雲  
氣深寫石泉流細終登海上峰青空渺無際神風引歸  
舟西冷篷再繫相與話三山如續桃源記

秋霖澹驕陽炎敲淨如埽池荷日夕喧澄心觀墨妙富

十華小築詩鈔卷四

三

哉三山圖仁智從所樂雁蕩石嶙峋天台雲繚繞蕭齋  
縱臥游不藉僧雛導更指落伽山汪洋飛莫到憶當偏  
寇氛全家託孤權美人隔雲端招手嫣然笑仙風舒舒  
來竚立正凝眺鸞帆殊寡情一瞬輕心掉

看山如讀史綱舉目不遺三山山外山所在多幽奇餘  
閒事接討相賞各一詩以此衡人才寒暖俱揚眉宜公  
撫西江吏治推當時政成猶自縛未免山靈嗤仙源浮  
艦訪絕巘摩厓題翩翩張子房赤松如可期側聞近中  
土溟渤蟠鯨鯢戰守貴素裕環海皆藩籬上警 君宵  
旰下繫民安危公歸待 溫詔毋戀東山碁

輓夏雪澗司馬

與君初締交君年方十五屬文纔半幅便作驚人語賤  
子時及冠如得闈中侶鴛錦炫箴神螺峰鬪眉嫵哀哀  
君失怙身世日孤苦窮巷風蕭蕭寒絮伴機杼母在跬  
步隨母歿稍行旅四十登賢書科名澹進取經師而人  
師講席每兼主生徒徧郡縣中多好毛羽別君二十年  
清談幾揮塵方期擢歸舟要君住屯浦

宦游亂行轍往往東西馳眾芳漸衰歇嘉會當及時風

前素心花摧折非一枝

江韻珊揚左山數  
年之中先後祖逝

青青巖谷松

條又經霜萎回首平生歡曷由接光儀猶喜後來彥負

十華小築詩鈔卷四

十四

質多瑰奇不徒盛文藻庶善皆優爲騶也思齊賢

長孫文騶

與哲嗣仲勤年  
相若交亦篤

謬妄恆肩隨出入庠序間倆矩還中規

君我昔同學此境縣睫眉相看頗欣愜君復何憾遺郵

箋貽令子用報泉臺知

題吳晉壬太守唐林北征詩畫圖冊

彤雲四布天黯黃僕夫驅馬如驅羊揚鞭直趨野店宿  
雪花一夜迴風翔晨興膏秣向北發雪來愈猛風愈狂  
遠峰澹抹失蔥蒨老樹飽壓多頽唐駝鈴無語鳥飛絕  
千山萬徑俱茫茫車行犖确漸山石天寒地凍登高岡  
輪鐵磨蝕馬蹶脫欲進不進心徬徨紅衫青笠客類俠

翩翩裘馬穿河梁燕南趙北好風景畫宜摩詰詩襄陽  
村荒無人趁墟集琵琶冷煞邯鄲倡客來未飲謀大嚼  
闢肉大餅堆盤香清歌一曲酒一斗新詞滿壁書琳琅  
仁人之言出肺腑讀之淚下沾衣裳小人有母家白嶽  
迎養弗就當還鄉行將歸舟載翠犢娛親菽水終耕桑  
吟成庭竹響菽菽開軒一片瓊瑤光

題李黼堂中丞孤山訪梅圖

孤山山是梅則非客來往往增歎歛摩空老鶴作人語  
亭前無復南朝枝逋仙去遠花濯濯誰歟補種紛高低  
傍山一角地幽邃如飾美女藏深閨暗香疏影工作態  
紅情綠意嬌含萼先生訪梅如訪戴高風緬做笠屐遺  
攜琴載鶴莽踏雪漫漫萬頃堆玻璃興趣不讓驢背叟  
奚囊壓破尖叉詩調羹事業付兒輩行將卜宅西湖西  
春來倘許結鄰住唱酬花下無窮期

收私篇 并序

餘姚東瀕於海岱山則孤懸海中居民曝鹵爲  
醎以資存活罔知有禁令也近歲汰勇游民結  
爲死黨恆航海販運浸灌蘇松常鎮太嘉湖等  
屬官爲搜捕輒亡命拒鬪殺傷甚多浙西鹽法  
之壞無過於此譚中丞巡撫浙江首整鹽政令

商出資財官爲收買并檄文武分水陸嚴緝本  
愚得承乏其閒寡識之徒有以是役當痛創沙  
民爲獲上邀功請者爰做錢參議憫黎詠答之  
卽呈在事諸同志

私嗟日以多官儲日以寡蠹民據其中損上而益下邊  
陲況多事泉刀類湍瀉部帖日數至遑忍委龔啞浙膏  
輸已枯昏鐙贖殘施中丞頭欲幡箸籌誰暫假世無劉  
士安遺篇時一把海隅盡蒼生慮近野人野終當憫哀  
鴻務先除害馬區區忠愛忱泚筆難摹寫

荒寒一片沙萬民胥寄命斥地磽不毛樹藝類多病所  
宵候潮汐潤下占土性杲杲驕陽升濡濡鹹澤迸掘齒  
曝爲齶舉家事奔競所恃去路長估帆無待聘浸灌半  
江浙竈烟驅略淨僉稱天祐民鄰里走相慶婦子咸嘻  
噲罔知干禁令官兵壓境來非梟亦云獍

嗟子日衰邁動多兒女仁赧顏勵將士腐語時稊陳巖  
蝨盡佛子夷狄皆臣鄰矧茲芸芸眾近隸部下民使寬  
休使猛率僞甯率真村荒慎煩擾島遂當緊巡鯨鯢跋  
浪來屠戮毋遺鱗水慄陸亦警耀日旌旗新勦哉素心  
友禍福天無親中丞非慈祥胡爲用老人

喻采亭軍門俊明芾侯觀察瑞璋宗湘文太守源



瀚陳槐庭明府鍾英以次招飲縱談近事越日賦  
呈

強暴何堪列友邦  
時間飛輓切梯航  
前知未便瞞山鬼  
大索何曾獲子房  
窮島終難通玉帛  
巖疆穩卜奠金湯  
座中不僅諸侯客  
文武均經苦戰場

輓高滋園廉訪卿培

朝辭越州城  
徹夜軍聲闕

辛酉之秋紹興郡城失守前三日事

晚渡曹娥

江礮吼連山  
動亂流少舟楫  
公許一帆送此本愚識公之始雖

寡平生歡  
轉喜門里共識荆  
歲恨遲燒燭  
夜談縱蘭言  
契一心琴趣  
妙二弄及覩四明山  
佳釀已傾甕  
從此手

一萼小築詩鈔卷四

七

分攜如幻又如夢

柯城重盍簪  
浙亂歲三紀  
公權甘卓稅  
更聚伏波米士  
飽馬亦騰賊  
巢踏如燬底  
定拜恩綸轉  
睦司浙水兩  
樹柏森森厥  
政無弗美  
再飛當沖天  
愈足光閭里  
公笑指庭槐  
微禽尙知止  
勇退乘急流  
徵辟終不起

谿桃紅欲然  
曾撥甬江權  
我巢公舊居

本愚見居宏文館卽公當年治

事處浮檻榴花照  
想見公當時  
觴詠此憑眺  
方期荷風

涼蘿徑爲公埽  
胡來剝啄聲  
開械得公耗  
反覆看書札  
顛倒擲杯琰  
僉云多不祥  
事竟出意料  
何當化鷓飛  
撫

棺一悲弔

劉芝田觀察以小輪舟送子由滬返杭賦此郵謝  
雙輪激水聲隆隆睛舲如鯽銜尾從篙師無聊客鼯睡  
菰蒲時戰蕭蕭風歇浦浩渺過瞬息嘉禾郡縣經匆匆  
我生百事苦遲鈍此行略與登仙同故人餞我玻璃鍾  
宿醒未解醅顏紅賓朋謔笑恆滿耳酒香花氣猶朦朧  
武林咫尺忽飛到公德惠我天無功待當鱸肥與蓴滑  
挂帆還擬來吳淞

重九偕孫稼生方伯家穀菱舫廉訪惠年雲鵬都  
轉豐紳泰吳殿臣崇階蔣幹臣國楨馬星五駟良  
新迪臣邦慶馮鐵華五觀察讌集孤山趙公祠用  
鐵華韻  
盡捲湘簾手共攜望湖樓畔水亭西尊開北海持螯醉  
壁借東坡賞菊題魚陣俯觀成澤國雁聲高欲界天梯  
山紅澗碧登臨處難得朋簪不速齊

曉峯中丞德馨招同殿臣幹臣星五迪丞鐵華讌  
集吳山阮公祠卽席賦呈

郭帶斜陽村帶烟吳山山半敞華筵遠看帆影來天外  
近聽潮聲落檻前輪奐共瞻祠宇壯壺觴同擾主人賢  
漫嫌秋氣催林木坐對春風盡靄然  
嘉禾舟次爲六笙題退耕補讀圖

吳艮夜泊鷺鷥湖水禽格磔星有無禾城太守踏鐙訪  
把臂便欲追詩逋嘉禾蕃庶甲西浙敦養仰承賢守切  
退耕補讀未及時此志應留娛晚節我生百事今釋肩  
且讀我書耕我田歸將種秫北山下課孫抱犢終殘年  
六笙以予權杭嘉湖道篆郵詩索和次韻

安得曹騰醉似泥江花莊蝶兩萋迷腸因觀奔將迴斷  
時法人初開鼻首不讐書未肯低子時供書局之役塵世我原  
飛倦鳥名場人盡鬪酣雞電光石火渾閒事請看東山  
月又西矣

十華小築詩鈔卷四

五

十華小築詩鈔卷四

終

謝靈運詩

慶雲

慶祺校字



